

Sligiaziun dalla controlla dil progress

CP2.1

meins: schaner, fevrer, mars, avrel, matg, zercladur, fenadur, uost, settember, october, november, december

stagiuns: primavera, stad, atun, unviern

fiasas ed usits: Daniev, tscheiver, trer schibettas, Chalandamarz, Pastgas, di dalla mumma, Anceinza, Tschuncheismas, Sontgilcrest, 1. d'uost, catscha, Numnasontga, Sontgaclau, Nadal

(Mintga expressiun correcta dat $\frac{1}{4}$ punct, en tut dat ei 5 puncts.)

CP2.2

- a) Sligiaziun pusseivla: Jeu hai natalezi ils 4 d'avrel. Jeu hai 15 onns.
- b) Sligiaziun pusseivla: Jeu sun um dall'aua e miu ascendent ei (la) stadera.
- c) anugl, taur, liun, scorpiun, capricorn, pèschs

(Las rispostas alla domonda a) dattan 1 punct, la risposta tier b) dat $\frac{1}{2}$ punct. Mintga segn zodiac che representa in animal dat $\frac{1}{4}$ punct. En tut dat ei 3 puncts.)

CP2.3

stagiun preferida	raschuns
persuna 1: atun	<ul style="list-style-type: none">- haver natalezi igl october- haver bugen las colurs dalla feglia ella natira- ir savens a spass e guder mintga radi da sulegl
persuna 2: unviern	<ul style="list-style-type: none">- ir bugen cun skis e cun aissa- esser impressiunaus/impressiunada da l'atmosfera da Nadal- far creflis e cumprar schenghetgs
persuna 3: stad	<ul style="list-style-type: none">- guder las seras emperneivlas- haver pli pauc stress da lavour- ir en vacanzas e prender la veta empau pli pacific
persuna 4: primavera	<ul style="list-style-type: none">- haver bugen il fried da primavera- haver energia ed esser activs/activa- selegrar sin novas sfidas ed aventuras

Texts:

persuna 1:

Mia stagiun preferida ei igl atun. Per l'ina hai jeu natalezi igl october e fetsch lu adina ina fiesta cun tut mes amitgs ed enconuschents. Per l'autra hai jeu bugen las colurs dalla feglia ella natira. Jeu mon lu savens a spass e gaudel aunc mintga radi da sulegl avon chiei vegn puspei freid.

persuna 2:

Jeu prefereschel igl unviern perquei ch'jeu mon bugen cun skis e cun aissa. Nuot pli bi ch'ina biala pista gest preparada ed il vent che sufla ad ins entuorn las ureglas. E tgei ch'ei era mintga onn danovamein impressiunont ei l'atmosfera da Nadal – cun glischs, canzuns, e l'entira truscha da far creflis e cumprar schenghetgs.

persuna 3:

La stad ei mia stagiun preferida. Quellas bellezia seras emperneivlas, ch'ins sa tschenar giuado, star da cumpignia e beiber in ni era dus, ein semplamein unicas. Savens ei quei era il temps cun pli pauc stress da lavour, nua ch'ins va en vacanzas e sa prender la veta in tec pli pacific.

persuna 4:

La pli biala stagiun ei la primavera. Jeu hai schi bugen il fried da primavera, las flurs, il pastg che crescha. E culla primavera tuorna adina era puspei l'energia ed ins ei pli activs, va giuado e selegra sin novas sfidas ed aventuras.

(Mintga stagiun preferida cun l'indicaziun dalla raschun dattan 1 punct, en tut dat ei 4 puncts.)

CP2.4

entscheiva, gratuleschel, prendan, splunta, mira, entscheiva, mirel, anflel, miran, vesas

Luisa ei ina buoba.	x	
Luisa ha envidau amitgas ed amitgs ed era sia madretscha.	x	
Il tgaun da Luisa ha num Lori.		x
Nic ha mess levzagl sin l'entira fatscha.	x	
Ei dat in fondue da caschiel.		x
Luisa ha survegniu rintgas en fuorma da gat.		x

(Mintga fuorma da verb correcta e mintga risposta allas damondas dattan ¼ punct, en tut dat ei 4 puncts.)

CP2.5

Regla:

El romontsch fuorman ins il plural regular cun aschuntar in -s al nomen.

Exempels:

il cudisch, ils cudischs

la casa, las casas

(L'explicaziun dat ½ punct, ils exempels dattan mintgamai ¼ punct, en tut dat ei 1 punct.)

CP2.6

Sligaziun pusseivla:

Car'Irina

Da cor gratuleschel jeu a ti sin natalezi e giavischel mo il meglier pil futur – carezia e contentientscha, success e sulegl e che tut tes siemis pil futur mondien en vigur.

Cun ina ferma embratschada

Tia amitga Anna

(La gratulaziun formulada dat 1 punct, las formalitads d'ina carta dattan era 1 punct, 1 punct vegn dau per l'ortografia correcta. En tut dat ei 3 puncts.)